

Oleh Shalfarina
Shahriman
bhvarsiti@bh.com

► Kuantan

Mengingati fakta yang kompleks kini dapat diringkaskan dengan kemahiran mencatat nota menggunakan kaedah pembelajaran Format Ghani.

Format Ghani yang diasaskan pensyarah Universiti Malaysia Pahang (UMP), Prof Madya Dr Mohd Ghani Awang itu dapat membantu pelajar sekolah atau institusi pengajian tinggi (IPT) dalam mengingati fakta penting pelbagai subjek.

"Secara prinsipnya, kaedah pembelajaran ini mementingkan turutan isi penting dalam jadual Format Ghani yang membentuk satu pemahaman baharu kepada pelajar dalam mengingati subjek yang sukar dihafal seperti Biologi, Kimia, Pendidikan Islam, Sains dan Sejarah.

"Sejak diperkenalkan pada tahun 2007, format itu diamalkan di lebih 100 sekolah dalam membantu calon peperiksaan Pentaksiran Tingkatan Tiga

BH VARSITI V6 16/4/2015
(PT3) dan Sijil Pelajaran Malaysia (SPM)," katanya.

Bentuk modul

Dr Mohd Ghani berkata, Format Ghani juga turut diajarkan kepada guru dan pensyarah di Maktab Rendah Sains MARA (MRSM), politeknik, universiti awam dan institusi pengajian tinggi swasta.

"saya juga bekerjasama dengan EMPOWER Wilayah Pembangunan Pantai Timur (ECER) dan

MRSM menerusi program khidmat masyarakat bagi berkongsi kaedah pembelajaran Format Ghani kepada pelajar luar bandar.

"Nota Format Ghani dan koleksi soalan peperiksaan SPM turut dicetak dalam bentuk modul, cakera padat (CD) untuk rujukan pelajar," katanya.

Kaedah pembelajaran berjaya memenangi pelbagai anugerah dalam pertandingan reka cipta dan inovasi seperti Ekspo

Teknologi Malaysia 2007, produk terbaik Kementerian Sains, Teknologi dan Inovasi 2007 serta Cendekia Bitara 2009.

Dr Mohd Ghani berkata, kaedah ini dibangunkan menerusi pembiayaan beberapa geran penyelidikan iaitu geran Seed Money, geran Skim Asas Penyelidikan, geran Skim Penyelidikan Pascasiswa-z dan geran Program Pemindahan Pengetahuan (Masyarakat).

Mohd Ghani menunjukkan koleksi cetakan nota Format Ghani dalam bentuk modul dan CD.



Ingat fakta menerusi Format Ghani

“
SECARA PRINSIPNYA,
KAEADAH
PEMBELAJARAN
INI
MEMENTINGKAN
TURUTAN ISI
PENTING DALAM
JADUAL FORMAT
GHANI YANG
MEMBENTUK
SATU
PEMAHAMAN
BAHARU KEPADA
PELAJAR DALAM
MENGINGATI
SUBJEK YANG
SUKAR DIHAFAL
SEPERTI
BIOLOGI, KIMIA,
PENDIDIKAN
ISLAM, SAINS DAN
SEJARAH”

Prof Madya Dr Mohd
Ghani Awang,
Pensyarah UMP

